

光緒丁未
春月國文
報館石印

序

蓋聞邑之有志原以登錄名物記載人文與

國朝之史乘昭垂千古永期不朽乃自嘉道以來土匪竄擾守此土者籌備戰守惟恐不周嗣以黃流改道漫溢鄰疆家是邦者修築埧堤無歲靡有兵災水患更迭相承邑宰居民交受其困即年穀順成皆視為不急之務不加顧問數十餘載尚未續修者職是之故邇鄉土之書大部催取掌故之學小邑無存不佞食祿於斯未及期月已可有成焉敢翹跂農桑學校尚待編纂雖款絀才輕亦欲重新參訂茲覓得舊書一冊先以西法捐廉印成分送閣屬士夫俾知縣尚有志志尚須修至博採方情確訪輿論均須俟諸將來此不過平地之一簣不敢云於志有功爰綴數言以誌緣起

光緒三十三年三月中浣知范縣事儀徵楊沂序

臣曹
楊沂

序

修范縣志序

范縣志莫考所創始一修於嘉靖十四年再修於萬曆四十一年至國朝康熙十一年霍令之瑄復修之余以嘉慶十年首夏蒞茲土甫經水患民物彫敝一切廢墜無由修舉與諸生論文之暇言及邑志失修已一百三十餘年陵谷變遷人事代謝欲採輯披羅以彰往而傳後既無野乘可採又無耆舊可徵加以才識謏陋有志未逮者久之已巳秋日案牘清暇偶查閱數十年來令於此者或數月而代或一二年而代蓋久於任者鮮故此事皆因循未舉其間惟吳令煥彩以名進士蒞范十有二年之久而亦未辨此誠不能無責焉余承乏於此亦閱五稔倘不急為修輯烏知繼我而來者其久耶其暫耶及今無可考者豈更多歷年所轉有所依據耶因不自揣固陋屬諸紳士各舉所知以告日夜手自抄輯閱兩月書成幸諸紳士不干以私得憑一心以公去取故所收

錄差可示信第荒署無典籍可稽又以地處僻陋不獲請博雅裁正而余復不文間有申引繆誤良多是不能無望於後之君子諒其愚有以匡其不逮也

嘉慶十四年歲次己巳十月既望 范縣知縣唐晟謹啟

舊志序

在昔郡國置州邑以表相錯如繡之義范在勝國以前幅員時廣時狹多隸濮屬國朝既定東郡仍以其邑隸濮余濮產也時放廢田間舍置雕蟲悉心方輿之備時搜覽郡乘而范之梗概十得一二焉再檢州志而范之梗概十得二三焉至一邑全乘則未有覩也余反覆歎曰烏有一邑而可無志也聞之故老曰范雖最邑往固有志百餘年來登甲第而樹旂常者落落星晨常事者懼無以光竹素而爛翻人口吻是以殘缺者久之夫志以綜事實齊耳目推是非而昭勸懲固一郡一邑之史

也彰往憲來藉為尸鑑是豈小物也乎哉以余徵之周官職方氏掌天下之圖辨其人民與其財用周知其利害使同貫利以故所書不止田賦高下之異等墳壚黎赤之異壤九鎮九澤之異名而五戎八蠻之異服至於條蕩籓轄淮墳江龜海錯之織無微不載何若是之弗嫌於細也蓋苟有切於利器用而阜民生辨陰陽而洪孽息則固不得以其穢穢而略焉而況其重且大者乎若今世之所謂志則文而已矣其叙山川也既無關於險夷諸洩之用而其載風俗也亦無與觀民省方之實至於環則賦額民數率多闕略而仙佛之廬臺榭之廢址達官貴人之墟墓辭人流連光景之作滿紙而是稱良史矣於以上之周官果有當焉否范為齊魯之擁衛之上游名小而民易蓄地僻而俗尚健以故濮之屬曰觀光曰武陽而范實為北門舊雖有志而年遠言湮文獻蔑徵後有作者安所覩一邑之實錄而備攷覈也 薛侯來蒞茲邑甫下車

即計永久親茲廢典毅然為修 舉每手藉邑乘於凡所載田賦徭役戶口食貨謀俗士 阜民守圉之源委本末節錯絲棼皆其所嘗晝夜殫厥心力者於是以其精神思慮之所及登之掌故至於纂輯 編則以屬之別駕范君廣文趙君二君以其國史之餘才而推之以成一邑之史故其所載煩簡刪存獨得侯之所用心而著之以為後來治邑者之所據準會侯以才望異等兼攝吾濮而毅 之役適竟厥成乃憑式問序於予予受而卒業始快然觀一邑之全至其的然當於實用而不取辨於文具則又儼然若獨於侯而受之矣語曰不習為吏視已成事又曰前事不忘後事之師也前人以其所用心而著之於志後人因其所志而得前人所用心而守之是以治道能常興而不墜余欲使後之志范者因侯之所為志而知所用心而守之而侯且造范無已時也雖然討典稽常以告有土侯今日責也至其博物閱覽嫻於文辭宏才朗

識優於政事而品標清貞丰猷瑋卓有非政事文章所能概者茲蓋其一斑云侯諱之屏字為憲陝西韓城縣人昔萬厯歲在癸丑孟冬上統之吉賜同進士出身承德郎兵部職方清吏司主事濮陽桑學夔謹序

舊志序

夫國有史郡邑有志所以存故實開來襍紀美惡昭勸戒也星野不辨疆域不分人文不著湮滅無稱盛德弗傳潛光終埋豈先王採風詢俗之遺意哉故學者載籍極博猶考信於史傳黃虞而下世遠人朽其已事可按而稽也信信疑疑志可少乎哉志可忽乎哉吾濮之范邑古昆吾地代變不一志足徵焉古范舊有志日久殘缺且後之錢穀損益人物崛起不可不紀關中薛公視是邑蓋有慨於中矣托邑之年長洽聞者別駕范君廣文趙君重修之志成乃委余敘其端余非元晏何能効三都之役然無徵不信余竊懼焉敢辭不文乎蓋聞史有三長志亦宜

然匪博則挂漏必多匪識則取舍弗當匪才則議論或舛將何以信今而傳後耶是編也其於山川之形勝世代之沿革陵谷之變遷星辰之分野載之詳矣范氏世族晉國賴之薛鎰寬仁邑人祀焉閔子遺邱壠之僅存季路修詩書而負米孟子有過化之迹曹植有釋愁之賦伯陶烈士張調高風此皆賢哲之遺芳而詞人俠士之餘響也至今錢穀尤為最要者夷考高唐之敝賦遺累於濮范而今日之賦役煩重益滋范人之苦遺編既存後有復古者一覽觀焉將景行往哲修明故典釐正賦役一切洗陋還淳實式憑之假如實沈臺駘之類亦可為博古者之一資矣它日備史氏之闕尚亦有所稽焉此志豈徒然哉它不具述其博耶識耶才耶握筆者兩君可謂兼此三長矣總裁而成之實惟我薛公之長也其於政也亦然宣展運用匪力弗達則加於志矣况飭學宮作士類修廢舉墜公之功居多則此志非公之苦心而誰之能耶公之

治邑賢攝郡賢固其才之有餘裕者宜其受知當事而表表東海也異日增修是編者公必繼前薛公而詠甘棠矣敢因敘志而併及之皆萬厯歲次癸丑冬十月吉旦賜進士第中大夫前奉敕整飭睢陳等處兵備兼分巡道河南布政使司右叅政兼按察司僉事濮陽蘇光泰頓首拜撰

舊志序

范縣志修於嘉靖十四年梓之久矣山川疆域雖不改觀至於人事新集制作新備者未始有既也此今逾八十餘年漫無紀述是豈可仍舊而已哉萬厯庚戌邑大夫薛侯下車明年刑清政簡士悅民和凡邑之耆碩縉紳及諸庠彥靡不沾渥澤服雅化而畏明威也既政務之暇取縣志而閱之歎曰志者文獻之徵後之觀今亦猶今之觀昔茲脫略若此後將奚觀隨進邑之耆碩縉紳及諸庠彥曰爾范雖彈丸小邑哉蓋

粵在春秋為子路負米之鄉其在戰國為孟子過化之地歷漢唐宋元以逮我皇明之朝三千餘年而其山川勝概前代遺迹至於詩文之可傳者與夫科貢人材職官賢否雖載在舊乘第歷世既遠不唯字義磨滅而中間事迹不無訛謬遺亡小得夫失之病乎茲欲傳之永遠殊非所以昭往而示來也後之人貿貿焉誰其適從又何知所勸懲焉於是萬厯癸丑孟春侯不以汝為衰鄙即以志事見屬汶竊念謫才衰朽何敢當此遂作大興哉辭之弗獲迺援筆編摩仍舉廣文趙君民懷號樂山者素有宏才健筆又者年卓識不佞相與披閱史傳搜羅見聞稽古訂今秉以至公而一毫作好作惡之私弗與焉甫及三月餘而志藁脫矣其間或沿其前志之正或刪其舊聞之訛或補其昔之所未詳或增其今之所未入事以門分人以類聚井井然莫不各得其當庶幾一邑史也於是為卷者四為目者三十有九為附目者凡十一汶等因呈

請公庭侯見而避之遂捐俸金簡胥史騰錄彙命工鏤梓開局於初夏
訖事於秋末凡三閱月而書告成矣時惟僉謂予宜序以跋於後予雖
昏老不文第蒙我侯之惠愛良多詎敢以衰朽辭哉輒不避陋劣述其
序曰嗟乎志之作豈徒侈文軌資博洽為耶志沿革建置則興廢
志山川形勝則感慕興志戶口田賦則息耗明志軍政馬政則經畫精
志官師官蹟則臧否昭志選舉人物則勸行志學校則教養舉志風
俗則美惡係志祀典則功德志災異則恐懼生志藝文則述作備志
王言則宗祧崇而橋梁寺觀與夫陵墓土產織細靡遺皆可考而鏡也
末志雜述者所以正疑而傳信務詳而忌略又防奸而杜漸之意也至
迺廣搜源委考覈精華盛粉澤之具侈鉛素之觀則又博物洽聞之彥
搗華挾漆之工者能之是非予之所及也予雖不敏固竊恥之比於前
志亦相懸矣猗歟盛哉八十年來所未有之典爰至我侯迺雅意重修

可謂千載奇逢有功於范之士民也大矣雖然是書之成傳示永久使
一邑文獻足徵而人不視之為荒土我侯實知其所先務者非特范
邑一時之幸亦范邑千載之幸也爰綴末簡以告後之司茲土者昔萬
歷四十一年癸丑望日陝西慶陽府通判八十八歲邑人范文沐手謹
序

霍志序

朝廷有志所以載政治得失之蹟郡縣有志所以記風土人物之異一
方之志即一方之史也褒貶始于春秋著作首推龍門蓋取乎能公能
斷不失其真是真非實足為後世之法戒焉斯為善史者矣而作志者
亦如之邑有形勝則名山大川足為游覽者可志而卑卑線流不必志
也邑有鄉賢則忠孝廉節足為崇祀者可志而希寵邀榮不必志也邑
有名宦則美政奇績有裨民社者可志而剽名竊譽不必志也邑有貞

烈則殉夫殺身有關風化者可志而小節微長不必志也至於城池沿革星野災祥與夫田賦戶口物產風俗之屬不妨條分縷析纖微必載以備一邑之感概焉此修志之大略也范邑素有志書自經火焚水噴之後城郭已非人民烏散其鴻文寶章久與秦灰俱燼黃流共湮矣當事者唯憂土滿過都者遑問邑乘即間有款歛憑弔追維往昔又安能起蒼頡而問所從來哉余於尺地莫有一民無存之日來蒞茲土經營十載艱苦備嘗其間風土之美惡紳士之賢否與夫生禍釀亂之由民窮盜起之故以及官吏士民身受屠戮覆宗絕祀僅存十一於千百者雖曰天運使然哉蓋亦人事之失居多焉極欲編輯成帙以昭范邑遭禍之慘實由某某為致禍之人垂戒來許自忖遼海鄙人才乏班馬識愧董狐雖有真是真非之心亦不敢謬托作者之林以貽文獻羞迄今二十餘載幸遇雲中霍君來尹是邑志存復古力足維今於政事之餘爰

取舊志而纂修之以淹貫諸史之學大彰善瘴惡之義吾知宜詳者詳宜略者略必不因風聞之虛迹而妄加褒美亦不緣子弟之請託而濫入傳文廣搜舊章博詢逸老務存真是真非期垂為法為戒則褒貶繼美於春秋著作嗣微於龍門光復舊章主持風教微君其誰與余披讀抄本不禁手額而輟然曰范有此志范有信史可徵而余昔宰范未竟之心亦藉以大快矣雖然有邑志而後有郡志省志湊合而成國史孰謂郡縣之志非

朝廷之史所關哉余故不辭鄙俚之誚而敬為之序云

昔

康熙十一年歲次壬子仲冬之吉

中憲大夫知河南開封府事黃標謹序

霍志序

歲壬子

特允輔臣條議纂修天下志書備史館採擇甚盛典也檄下郡國予方分校棘闈未遑寢處因思范邑地鄰鄒魯士風淳樸夙稱文獻之邦乃以兵火蹂躪載籍銷亡遂致往者未傳來者莫續深惴惴懼無以為大典光闡既檄星馳回署急進父老子弟而告之謀所以壽諸梓者幸范生研甄尚存先人遺稿於灰燼之餘爰是借為矩矱遠稽近詢參同考異不憚手自校讐拮据兩月詮次脫稿更延名碩學博李君鄉貢生薛君輩互相訂正芟一切粉飾鋪張之具務崇根本務從簡樸庶一邑常變盛衰之故可以備採風者覽焉然予於此而懼益甚矣夫邑之有志猶國之有史家之有譜也凡綱常名教之大日用飲食之微地異宜而俗異尚事變無常紛沓雜出而究其指歸莫不各有當然之則以合於天理民彝之公家國天下理無二致而事無殊途也然事以文載文

以志存古來樹旂常銘鐘鼎者勲名非不赫矣而要之有道德然後有事功有事功然後有文章考之舊乘其間懷瑾握瑜之彥以及敦世踐履之儒莫不德重當時而道垂後稷功隆一代而事足千秋志所由以不朽也是故誌者志也志其事不若志其所以事志其文不若志其所以文則作志者以近今之耳目而欲包舉囊括上尋古人制作之精意下啟後人終述之深衷按圖索驥知必不得之數也予竇懼滋甚惟是范叢爾一邑東接秦岱南連淮泗西距天雒北通燕趙其地亦水陸四塞之衝常變之際盛衰因之故舊志山川城郭土地人民各表勝概而一自河水陸沉寇氛蕩析昔之所謂土峙而川流者今且培塿而涖蹄矣昔之所謂重門而擊柝者今且蹊徑而交加矣昔之林林總總穡耨耕而千耦耘者今且僅餘數姓孑遺於水火盜賊之後披草萊蓬蘞嗷嗷哀鳴之未定矣問廢癘何以起問疾痛何以甦問元氣何以復即繪監門

鄭俠之圖亦不足以盡范民流離困頓之狀而顧乃粉飾鋪張夸大其事以云文則得矣上之太史其何以慰賈太傅之痛苦流涕而仰副聖天子軫念民瘼之意哉予不敏未敢言文亦未敢言志亦惟據事直書輒反覆於常變盛衰之故而事事務求夫當然之則讀者或以為鄭俠之圖則可而以為范志猶未也

康熙十一年歲次壬子冬十二月朔

賜進士出身前廣西柳州府推官改授范縣知縣霍之琯謹敘

凡例

一境內無山舊志所稱卧牛山鳳皇嶺特王阜耳故刪而不錄惟四境時被水患故特志河渠繪具總圖因欲詳悉源流不嫌越及鄰封爾

一舊志賦役自順治十四年列定全書至康熙十二年起科後凡墾闢招來以及起運存留裁扣等項俱按年逐款細書今歷年既久款目繁多未便悉載謹擇增改之大要書之餘俱遵嘉慶十一年分全書開列以歸簡明

一舊志名宦鄉賢官師人物分四類余以人物內皆卓卓可傳之人故鄉賢即以冠人物官師內品概不一故名宦仍另載其鄉賢之曾經請祀者首列之未請祀者參考府志依次敘之至或著循蹟或擅文章或表忠孝舊志渾合今分類載之非敢故示區別欲各存品詣之真以著典型之實耳

范縣志

卷一凡例

九

一營制已移建故兵防可弗列專志仍載建營移營始末於官師之後以備稽考

一武子之先劉累學擾龍於秦龍氏賜氏御龍以夏豕韋之後豕韋國名今滑縣是也其地去范二百餘里厥後遷於魯縣殷末豕韋國於唐周成王滅唐遷於杜為杜伯杜伯之子隰叔奔晉四世及士會食邑於范後為范氏春秋釋地於范闕疑即果食邑於此亦未可必為范產舊志以武子諸人列於人物志中并稱龍王莊即劉累秦龍處所未詳第沿襲既久姑仍其舊

一舊志載張調郝天春於隱逸考其事蹟既不同法真逃名亦異乎鄭樸却聘特以嬾居士籍曠宥不羈士共高之揆諸勝國唐六如徐文長輩其狂逸不止此而史家入文苑傳中則刪隱逸而歸諸文學差得實耳

一舊志不錄誥命以別家乘不載八景以省浮詞具有特識其碑記論
辨詩章足以資考據者仍備錄之管見所及間有陳說用小字低一
格寫不敢自擬於作者也

一舊志於各志之首皆有弁語今用其詞者仍書其名不抹前人苦心
也

一舊志稱建置關一邑之盛衰必詳其始建修復之年代以見時有盛
絀因之事有廢興冀後日之克善其後者茲悉循例增入
一修志或勸捐經費易啟徇情之端故余以一手編次捐廉刊刻以絕
請託至採訪人物則諸紳士所秉公舉報者也

雲間唐歲采紅氏謹識

修范縣志姓氏 皇清嘉慶十四年歲次巳巳

范縣知縣唐 晟

編次

教諭李又存

訓導唐振緒

同閱

貢生 范來寬 杜勤書

廩生

生員

范守典 白翰恭 孔傳桂 吳榮康 陳德適 李甘棠 王渭清 岳廷華 楊作幹 白翰波 石麟泰 李行素 王麟泰

薛雲翔 胡有溶 呂珊 鄭朗 陳仲簡 孫龍蟠 范世珍 朱映鶴 薛殿元 丁正襲 王渭水 陳其疇 孫鳳鳴 范保壩 張雲衡 劉清泥

范縣志

卷一 姓氏

十一

李廷芳 趙浩 李文芳 李曉嵐 石慎行 李慎行 崔汝芳 孫舍奇 吳濟民 劉金重 王廷芳

孟行南 范守度 谷中蘭 丁永祥 丁耀乾 白耀乾 李廷湘 張廷魁 馬廷燕 吳濟威 宋麟甲

採訪

舊志姓氏 皇清康熙十一年歲次壬子

賜進士出身文林郎前廣西柳州府推官裁缺

改授 范縣知縣雲中霍之瑄

論定

儒學 訓導 新泰李簡身

同撰

貢生 薛應康

校閱

蔣柱東

李貞吉

胡士楷

馬振宗

同闕

邑庠廩生石宗堯

于典

范研甄

鄭丕祥

宋麟

范含光

孫日擴

張愨

范含元

范志謙

范嗣淹

李鳳期

採輯

舊志姓氏明萬曆四十一年歲次壬子

宏治壬戌 儒學教諭周弼

遺稿

陝西慶陽府通判邑人范汶

編次

直隸五河縣訓導邑人趙民懷

同編

范縣知縣 陝西韓城薛之屏

重修

儒學教諭董時儀

訓導成於教

薛承沂

同闕

邑庠廩生曹華

范縣志

卷一姓氏

十三

范冲然
丁顯
蔣其進
孫景蒼

同校

新修范縣志目錄

卷之一

沿革

疆域

星野

河渠附形勝 橋梁

城池

公署附牌坊

鄉保附集市

戶口

田賦附起運 存留 課稅 積貯 鹽引

風俗

范縣志

卷一目錄

十四

物產

學校附學田 社學

祀典附壇廟

災祥

卷之二

古蹟附陵墓 寺觀

名宦

官師附營制

選舉附貢監 武科 武職 雜職 貤封

人物分鄉賢 政績 文學 忠義 孝義

卷之三

節烈附割股

僑寓

藝文碑文上

卷之四

藝文碑文下

雜著

詩章

范縣志

卷一目錄

十五